



Broj: 01/2a-50-3-2-39/13

Sarajevo, 5.9. 2013.

**Predmet: Zabilješka sa sastanka predsjedavajućeg Komisije za vanjske poslove Mirze Kušljugića s ambasadorom Rumunije u Bosni i Hercegovini Nj.E. Filipom Teodorescuom**

U srijedu, 24. 7. 2013., održan je sastanak predsjedavajućeg Komisije za vanjske poslove Mirze Kušljugića s ambasadorom Rumunije u Bosni i Hercegovini Nj.E. Filipom Teodorescuom.

**Ambasador Rumunije u Bosni i Hercegovini Nj.E. Filip Teodorescu** zahvalio se na prijemu i izrazio zadovoljstvo što ima mogućnost da razgovara o pitanjima koja su bitna za razvijanje bilateralnih odnosa dvije zemlje i da se u isto vrijeme fokusira na neke aktivnosti koje bi mogle intenzivirati saradnju parlamenta dvije zemlje. Kazao je da su u martu ove godine, prilikom posjete tadašnjeg predsjedavajućeg Predsjedništva BiH, gosp. Radmanović i predsjednik Rumunije Traian Basescu naglasili važnost nastavka razvijanja političkog dijaloga i fokusiranja dvije strane na pragmatične odnose i posebno na potrebu razvijanja ekonomskih odnosa. S tim u vezi kazao je da je cilj njegove posjete uspostavljanje osnove za početak dijaloga između parlamenta, koji je u interesu obje zemlje. Naglasio je da Rumunija daje punu podršku BiH u euroatlantskim integracijama i u tom smislu kazao da BiH od Rumunije može računati na bilo kakav vrstu pomoći. Ambasador Teodorescu je, u ime Komisije za vanjske poslove Parlamenta Rumunije, pozvao predsjedavajućeg Komisije za vanjske poslove Mirzu Kušljugića da na čelu delegacije Komisije za vanjske poslove PDPSBiH u narednom periodu posjeti Rumuniju. Dodao je da u rumunskom parlamentu postoji grupa prijateljstva za Bosnu i Hercegovinu preko koje se također mogu razvijati prijateljski odnosi dvije zemlje.

**Predsjedavajući Komisije za vanjske poslove Mirza Kušljugić** zahvalio se amabsadoru Teodorescu na posjeti Parlamentarnoj skupštini BiH. Upoznao je amabsadora Teodoresca da je u odgovoru na poziv predsjedavajućeg Komisije za vanjske poslove Parlamenta Rumunije kazao da će Komisija za vanjske poslove PDPSBiH u septembru odrediti okvirni datum posjete Parlamentu Rumunije. Kazao je da su prioritetne teme u svim međunarodnim razgovorima, a to su ujedno i prioriteti vanjske politike BiH, euroatlantske integracije i uspostavljanje bližih veza i saradnje u ekonomiji. Dodao je da zna kroz kakav je put Rumunija prošla u procesu pristupanja EU, prije nego što je postala članica EU i NATO-a, i da bi nam razmjena iskustava bila od koristi, posebno u provođenju *acquisa*, što će definitivno biti teme predstojeće posjete Komisije za vanjske poslove PDPSBiH. Istaknuo je da očekuje podršku Rumunije o ovim pitanjima, te da vjeruje da su u Rumuniji svjesni da bi cijeli prostor jugoistočne Evrope trebalo da bude integriran u jednu euroatlantsku cjelinu kako bi stvorio sigurnost za ekonomski razvoj i prosperitet i Rumunije i BiH.

**Predsjedavajući Kušljugić** kazao je da je siguran da se može pokrenuti i određena ekonomska saradnja, posebno u oblasti razvoja regionalnog tržista energije. Ono što će nam biti interesantno je da saznamo kako je Rumunija uspjela da zadrži industrijsku proizvodnju u zadnjih deset godina, dodao je gosp. Kušljugić.

Ambasador Rumunije u BiH **Nj.E. Filip Teodorescu** kazao je da smatra da je BiH bliski susjed Rumunije uprkos činjenici da ne dijele kopnenu granicu. Dodao je da sva pitanja koja je pomenuo predsjedavajući Kušljugić mogu biti predmet bilateralnih razgovora i saradnje, te da bi biznismeni iz BiH i Rumunije trebali naći zajednički interes uzimajući u obzir geografsku blizinu i komplementarnost. Na kraju je kazao da će BiH tokom cijelog procesa euroatlantskih integracija od Rumunije imati podršku i ohrabrenje.

**Predsjedavajući Mirza Kušljugić** zahvalio se ambasadoru Teodorecuu i izrazio očekivanje da će predstojeća posjeta Komisije za vanjske poslove rumunskom parlamentu biti uspješna u vezi sa svim pomenutim pitanjima.

SEKRETAR  
KOMISIJE ZA VANJSKE POSLOVE

Merdžana Iglica

Dostavljeno:

- Kolegiju Predstavničkog doma
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za međunarodne odnose i protokol
- a/a